



INULIRIYIKKUT MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

MALIGAMUT NAUNAITKUTAQ

Havakviat Inuliriyikkut ikayuqniaqhimaingait munaqtiuyut angayuqqaat Nunavunmi akiliqtuqhugit. Akitunnaupluni nunaqariami Nunavunmi, una Maligaghaliuqhimayuq munaqtighaqhiurutauyuq pihimanahuaqhugillu munaqtiuyut angayuqqaat, ikighilaarahuaqhugit maningnut ayuqhautit munaqtiuplutik.

1. ILUMUURUTIGIYANGIT

Una maligaq pihimayuq hapkunanga ilumuurutiyauyunit:

- (a) Havakviat atuqniaqhimayait taapkua Inuit Qauhimaqatutiqangit pitquhiit taapkunani *Pijitsirniq (payughutik niqighaqhiurutiplugit ilaita taapkualu/uniit nunallaangit), Aajiqatigiingniq (ihumaliurnikkut unipkaarutigiplugu angiqatigiingnikkullu),* taimaalu *Havaqatigiingniq (havaqatigiinghulik atauttimut).*
- (b) Munaqtiuyut angayuqqaat Nunavunmi ikayuqpangniaqtaait *Inuuqatigiitsiarniq (ihumagittiarniq ahinik, ilagiingniq, munaqhugillu inuit)* taimaa aulapkainahuqhugit ilagiingniit nutaqqat munaqtiillu, ayurnaitpallu, iriniginahuaqhugit ilagiiktut munaqtautillugit.
- (c) Havakviat havaqatiginiaqtaait ikayuqtigiiklutik taapkua Nunavut Tunngavikkut Timingat, titiraqhimaqutut Ilanga 32-mi Nunavunmi Angirutinit, malighugillu taamna *Iqannaiyaqtiiguit.*
- (d) Aulapkaiyait ikayuutaillu munaqtauyunut nutaqqanut inmingnulluaq ihumaplutik ilitquhiiniklu pitquhiiniklu, uqauhiinik Inuillu Qauhimaqatutiqainik. Piinnariaqtaait ataagut hapkua Maligaghaliuqhimaqut ikayuutauyughat ihariagiyainut nutaqqat munaqtauyut, kihimi ilitquhiit aulapkainahuaqhugit nutaqqat munaqtauyut.
- (e) Tamangnik havaaghait munaqtaghaitalu ilauyut munaqtiuniqmut ilitturinnaqut, havauhiqlu angmaumayuq ilitturinnaqhunilu inungnut.
- (f) Munaqtiuyut angayuqqaat munaqtiuvangniat ilitturinnaqumik, aulapkaiplutik, kihilutiklu ihariagiyainut Nunavunmiut.
- (g) Tamangnik havaaghat inirahuaqtaghait Havakviat Inuliriyikkut ilittuqhiyaamik ahinik ikayuutighanik ikayurahuaqhugit nutaqqat munaqtauyut amihunik taimaalu/uniit ayurnaqtunik ihariagiyaqarumik. Taapkualu ihariagiyaita akiliqtauvaktut taapkuninnga Qutangnaitjutaitut Aanniaqtailiniqmut Ikayuutit (NIHB) taapkualuuniit Kanatami Nutaqqat Hivulliyut Havaangit.



INULIRIYIKKUT MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

2. PITQUYAUHIMAYUT

Taamna *Nutaqqanik Inuliqiyillu Maligaq* titiraqhimayulik tamangnik ikkuaqtuutunik munaqtiuniqmut angayuqqanut ikayuqtaulaariaghainik, tikkuahiyunik havaaghainiklu.

Una Maligaghaliuqhimayuq atuqtauyughaq taapkuninnga:

- Angiqtauhimayut munaqtiuyut angayuqqaat taapkualu/uniit ilagiingnit munaqtauyumik munaqtaqaqtumik;
- Nutaqqat munaqtauyut talvuuna Munaqhiquiyut Ikayuutitut Angirutit taapkualu Havakviat Inuliriyikkut;
- Nutaqqat munaqtauyut talvuuna Apiqhuyikkut taapkualu Munaqhiquiyut Pitquyauhimayut, Munaqtaukaffugiamik Pitquyauhimayut, taimaaluuniit Pamiqtiughaariamik Pitquyauhimayut;

3. UNNIQTUTIT

Apiqhuyinit Pitquyauhimayut

Apiqhuyinit Pitquyauhimayut atuqtauvaktut nutaraq amirnaqtumiitpat, takuyavaghutiklu nutaqqat amirnannginnayukkumiklu ihumaalungnaqtumik. Pingahuuyut Apiqhuyinit Pitquyauhimayut, Munaqtiqarniqmullu Pitquyauhimayut, Munaqtiukaffugiamik Pitquyauhimayut, Pamiqtiughaariamiklu Pitquyauhimayut.

Nutaraq

Nunavunmiutaq ukiuqaqtuq 2-mit 15-mut.

Nutaraq Munaqtauyug

Nutaraq munaqtauyug munaqtauyulluuniit Aulapkaiyiryuamit Nutaqqanik Inuliqiyillu Ikayuutitut Angirutikkut (Munaqtaukaffugiamik Angirutit, Ikayuutitut Angirutit, Ikayuqtauhimmaariamik Angirutit) talvuunaluuniit Apiqhuyinit Pitquyauhimayut (Munaqtiqarniqmut Pitquyauhimayut, Munaqtiukaffungniqmut Pitquyauhimayut, Pamiqtiughaariamiklu Pitquyauhimayut).

Kivgaqtugaq

Nunavunmiutaq angirutinik titiraqhimayuq Ikayuutitut Angirutainik taapkualu Havakviat Inuliriyikkut, Havakvingnikluunit havaqatiqarumik Apiqhuyikkut. Hapkua Maligaghaliuqhimayut ihumagiplugit, unipkaarumik ikayuqtainik naunaittughaq taimaa,

Aulapkaidjutinga Ublua:



INULIRIYIKKUT MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

nutaraugumik, inulramminiuyut, inuuhuktut, angiqtauhimayulluuniit munaqtiuyut angayuqqaat.

Nunallaarni Inuliyit Ikayuqtia (CSSW)

Nunallaarni Inuliyit Ikayuqtia (CSSW) munaqtiuyut ikayuqtauuyut titiraangutainik parnaiyuuplunilu ikayuutunik.

Tukimuaqtittiji haffumani Ilamiknut Nakurudjutinga

Aulapkaiyiryuaq tikkuqaqtauhimayuq ataagut taamna *Nutaqqanik Inuliyillu Maligaq* kivgaqtiilluuniit.

Munarijaujut Inuliyitkunnit Pamiqhajit

Angiqtauhimayut munaqtiuyut nutaqqanik munaqtauuyunik Aulapkaiyiryuamit Nutaqqanik Inuliyillu.

Nutarannuaq

Nunavunmiutaq ukiuqalaangittuq malrungnik (2).

Ilagiiktut Munaqtiuyut

Ilagiiktut qattanngutigiiqtut angiqtauhimayut munaqtiuyaamik nutaraqnik inulramminikluuniit munaqtauuyunik. Munaqtiuyuuq ilagiiktughaq taimaaluuniit atatalutik nutaraqmut – taapkuatut, ataattiat, attak ilagiittiaqtulluuniit. Ikayuutighait ilagiiktunik munaqhiyunik aajjikkutariyaat ikayuutait nutaqqat munaqtiuyullu munaqtauuyunik.

Akilihiagaghait

Munaqtiuyunut angayuqqaanut: Upluq tamaat manighautit, akilihiutauyut akiliqtuqpagainik munaqtiuyut angayuqqaat. Akilihiagait maniutit avatqutailiyaghait taapkua titiraqhimayut talvani Munaqtiuyut Akilihiagaghait Naunaitkutait Piksaut A-1-mi.

Pamiqtiughaaqtughanik Pitquyauhimagumit

Apiqhuiyinit Pitquyauhimagumit nutaqqanik munaqtinunngaqtavaktut pamiqtaughaaqtughatut talvanngat Aulapkaiyiryuamit Nutaqqanik Inuliyinillu ukiuqaqtunik 16-mut, hivituhiyaulaaqtuq 19-mut inulrammiq angiqhimagumi apiqhuiyinit pitquyauhimagumilu.

Munaqtauvigahanik Parnaiyit Ihivriuhiyit Katimayiralaat (PPRC)

Ikayuqpaktut ikkuqaqtuivaghutiklu Ilamiknut Nakurudjutinga havaktiinik munaqtittivaktunik nutaqqanik, inulramminik inuuhuktuniklu munaqtauvigahainut talvuunalu/uniit ikayuqtinit

Aulapkaidjutinga Ublua:

Iniqvighaat Upluq: Qiqailruq 31, 2025

Makpiraakvia 3 uvani 8



INULIRIYIKKUT MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

ikayuutainut angirutinik. Katimayiralaanut katimayit taapkuanguyut Tukimuaqtittiji haffumani Ilamiknut Nakurudjutinga, kivgaqtiuyuq CSSW/Havaktia, ilauyut Aviktuqhimayumi Havaktit, aallallu ikayuqtit ihariagiyaukpata (Ihumaqattiarniqmut Havaktit, Ilihaqviit, RCMP, kitullu)

Munaqhiqiyut Pitquyauhimagut

Apiqhuyiyit Pitquyauhimagut ikkuaqtuyut CSSW-mit munaqhiyaamik aimavianik nutaqqam malighugit uqauhiit maliktaghallu apiqhuyiyit. Pitquyauhimagut aulayughaq avatqutailugu atauhiq ukiuq.

Munaqtiuyuq

Munaqtiuyuq Nutaqqamik Inuliqiyinillu, kivgaqtiilluuniit.

Munaqtiukaffuktinut Pitquyauhimagut

Apiqhuyiyit Pitquyauhimagut nutaqqamik munaqhiqiyut Aulapkaikyryuamit qanukiaq hivituyumik.

4. ATANIQTUQTUIYUT KIVGAQTUITTIAQTULLU

Maligaliurvikmi Hivuliqtingit

Maligaliurvikmi Hivuliqtingit angiqhimayaghaat ikayuutinit pitquyauhimagut kituniklukiaq titiraqhimaittut Maligaghaliuqhimayunit.

5. HAVAAT MUNARIYAKHATLU

Minista

- (a) Ministauyuq Inuliriyikkut qauhitiyughaq Maligaliurvikmi Hivuliqtingit atuqtittivalliyaamik Maligaghaliuqhimayunik.

Minista Tuglirijaa

- (a) Minista Tuglirijaa haffumani Inuliriyikkut kiugiaqattariaqaqtuq uvunga Ministanut aulattittinirnut haffumani Maligaq;

Tukimuaqtittiji haffumani Ilamiknut Nakurudjutinga

- (a) Tukimuaqtittiji haffumani Ilamiknut Nakurudjutinga kivgaqtialuuniit munaqtiuvaktughaq titiraliqiniqmullu malighugit uqauhiit hapkua Maligaghaliuqhimayut.

Aulapkaidjutinga Ublua:

Iniqvighaat Upluq: Qiqailuq 31, 2025

Makpiraakvia 4 uvani 8



INULIRIYIKKUT MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

Munaqtauvighaanik Parnaiyit Ihivriuqhiyit Katimayiralaat (PPRC)

Taamna PPRC munaqtiuyughat hanavalliyunik munaqhiyaamilu parnaiyautinik munaqtauyughanut nutaqqanut munaqtauyut Havakvingnit. Taapkoa PPRC-kut ihivriuqhiyughat angiqlugillu avighimayut akiliqtaghat nutaqqanut munaqtauyut.

6. IHARIAGIYANGIT

Pittaarningga

Ilaunginnarialiutit Maligaghaliuqhimayunut nutqautiligat taimaa:

- Angiqtauhimayut munaqtiuyut angayuqqaat angiqtauhimayullu ilagiit munaqtiuyut munaqtaqaqtunik;
- Nutaqqat munaqtauyut talvuuna Munaqhiyiyut Ikayuutinut Angirutit taapkualu Havakviat Inuliriyikkut;
- Nutaqqat munaqtauyut talvuuna Apiqhuyikkut taapkualu Munaqhiyiyut Pitquyauhimayut, Munaqtaukaffugiamik Pitquyauhimayut, taimaaluuniit Pamiqtiughaariamik Pitquyauhimayut;

Akilihiugaghait

Munaqtiuyunut angayuqqaanut Akilihiugaghait tuniyauvaktut angiqtauhimayunut munaqtiuyunut angayuqqaanut Nunavunmi. Munaqtiuyut Angayuqqaanut Akilihiugaghait aallangavaktut nunallaarnit, ihumagiplugit aallatqiiktut akighat aviktuqhimayumi tamaat.

(a) Akiliqtauvaktut

Munaqtiuyut Angayuqqaat Akilihiugaghait (A-1) akiliqtuivaktut upluq tamaat ihariagiainut nutaqqat inulrammiillu taapkualu:

- a) Niqit;
- b) Hinikvighanut;
- c) Aannuraanut;
- d) Iklumiugattaqnirmit piqpaluiyautinut;
- e) Inmikkut uarutighat;
- f) Nunallaarni ingilrautinut (taimaatut ilannam ikluqpaanut, nunallaarni katimavianut, qanuqlu);
- g) Akighait ayuiqhautainut aulapkaqtitauyunullu (taimaatut naluuyaqtunut, hanauyaqtunut, atuqtuuyaqtunut)
- h) Ilagiit hulilukaaqvianut (taimaatut qunngiarvighaanut unnungmi)
- i) Nutaqqiqiyinut (taimaatut munaqtiuyut angayuqqaat qunngiariaqniarumik inmikkulluuniit munaqhiyiliarumik)
- j) Niuviqnaqtut Havautinut;



INULIRIYIKKUT MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

- k) Ilihautighanut;
 - l) Aullaayarutainut Nunainnarmut;
 - m) Kivyaqhirutighat;
 - n) Inuuviata quviahuutainut; taapkualu
 - o) Aittuutighanut.
- (b) Nutarahaannuit Akighait
Munaqtiuyut manighaqpangniat tatqiqhiut tamaat akiliqhimayainut, takupkailutik akiliqhimayainik niuviqvingnit, akighautait akighainut amaamautit, makkaghait hunaqutainullu.

Qanuq Akiliqtauvaktut

Akiliqtauvaktut munaqtiuyut angayuqqaat malruk Santiit naattaraangat.

Qanuriliurutinga

Nutaraq munaqtauvianit angiqtauhimayumit munaqtiuyunik angayuqqaanik/ilagiingnit.

Ilihaqtaghait Munaqtiuyut Angayuqqaat

Havakviat Inuliriyikkut akighaita munaqtiuyut angayuqqaat ilihaqtaghainut akiliqtuqniaqtait, munaqtiuyut angayuqqaat katimaviinik, qanuqlu.

Ilihimayaghat

- (a) Munaqtiuyut angayuqqaat munaqtaghariyaita akiliqtauhimayut ihumagiplugu nutaraq munaqtauyuuq, talvungalu upluq tamaat ihariagiyainut nutaqqam.
- (b) Munaqtiuyut angayuqqaat akiliqtauhimayunik ataagut hamna Maligaghaliuqhimagyuq titiraqtaulaittut Inkam Taaksighanut tuniyauvaktut Kanatami Maniliqiyiryuanut.

Kiinauyaliquitit Ihumagiyaunit

- (a) Tamangnik ihuaqtauyut titiraqhimayut talvani *Maniliqiyit Titiraliqiyit Maligait* talvanilu Kavamatkut Nunavunmi Maniliqiyit Titiraliqiyit Makpiraangutainit atuqtauyughat maniliqiniqmut titiraliqiniqmullu tamangnut manitunik tuniyauhimayut Havakvianit Inuliriyikkut ataagut hamna Maligaghaliuqhimagyuq.



INULIRIYIKKUT

MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

7. KIINAUYATIGUT IKAYUUTIKHAT

Manighautit ihariagiyayut ataagut hamna Maligaghaliuqhimayuq maliktaghalgit angiqtauyughallu Naatjuhiit Maligaliuqvingmit taimaalu hailiyauhimakpata maniit talvani ihuaqtumi ukiuq tamaat maniktuqtaghainit.

8. ILAUYUT MALIGALIUQHIMAYUT MALIGAGHALIUQHIMAYULLU

Nutaqqanik Inuliqiyillu Maligaq

Ikayuutit/Hivituyunut Ikayuutinut Angirutinut Maligaghaliuqhimayuq
Munaqtiuyut Ahiittunut Ikayuqtaunirmut Maligaghaliuqhimayuq

9. PILARUTINGIT MALIGALIURVIKMI HIVULIQTINGIT

Titiraqhimayuittuq Maligaghaliuqhimayunit qanukiaq ihumagiyayumik nutqautaitut havaaghainut Maligaliurvikmi Hivuliqtingit ihumaliuriamik ihuaqhaiyaamikluuniit ikayuutighainik munaqtiuyut angayuqqaat ahiagut hapkua titiraqhimayut Maligaghaliuqhimayunit.

10. UBLUA NUNGUANI NAKATAQ

Una Maligaq atuqtauliiqtuq ublugani sainiutaani taimaaqlunilu Qiqailruq 31, 2025-mi.

Nanngarijaujuq



INULIRIYIKKUT

MUNAQTIUYUT AKILIHAGAGHAIT AKIGHAINUT MALIGAGHALIUQHIMAYUQ

A-1: Munaqtiuyut Akilihiagaghait

Munaqtiuyut Akilihiagaghait ikayuutauyughat nutaqqanut munaqtauyunik munaqtiiniklu angayuqqaat, ikayuutighait upluq tamaat akighainut nutaqqiqiplutik niqighainullu, aannuraanut, inmikkut uarutainut, ikluqpangmiutat akighait, qanuqlu. Akilihiagaghait aallangavaktut nunallaakkut, ihumagiplugit aallatqiiktut akighait aviktuqhimayumi tamaat.

Naunaitkutaq 2: Nunallaarni Munaqtiuyut Angayuqqaat Akilihiagaghait

Nunallaat	Akilihiagaghanut Akighait
<u>Aviktuqhimania 1:</u> Arviat, Iqaluit, Kangiqliniq	\$58
<u>Aviktuqhimania 2:</u> Ikpiaryuk, Qamanittuaq, Iqaluktuuttiaq, Ikluligaaryuk, Uqhuqtuuq, Hanirayak, Iklulik, Qurluqtuq, Nauyaat, Tikiraqyuaq	\$60
<u>Aviktuqhimania 3:</u> Kinngait, Kimmirut, Pangnirtuuq, Sanikiluaq, Taluryuaq	\$62
<u>Aviktuqhimania 4:</u> Kangiqtugaapik, Salliq, Auyuittuq, Kuugaaryuk, Mittimatalik, Qikiqtaryuaq, Qauyuittuq	\$65